

E compania lo produci 100 Ton di pisca y cabaron pa aña

Prome cultivo di cabaron

y pisca na Aruba

E compania ta wardando ariba luz berde di Gobierno

ORANJESTAD(AAN) -- Durante un conferencia di prensa señor Eric F. d'Arnault a introduci na prensa e compania "The Gerec Fish and Shrimp Farm".

Hunto cu Eric d'Arnault tabata su yiu muher kendenan ta forma e grupo d'Arnault y Jimmy Yang.

Eric d'Arnault a duna di conoce cu na 1986 a identifica e proyecto y na 1987 a haci un estudio di visibilidad. E grupo d'Arnault a manda busca e experto Jimmy Yang di Taiwan y hunto cu H.V.A. International di Amsterdam a copia un estudio di visibilidad encunto shrimp farm.

Eric d'Arnault a enfatisa cu e studio di visibilidad a cuminsa prome den e sector agrario,

caminda a señala e posibilidad nan di bin cu un cria di porco y galiña. Den e estudio aki tambe

a señala cu e cria di cabaron y pisa na Aruba ta hopi factible.

Debi na esaki grupo d'

Arnault a entrega e estudio di visibilidad na Gobierno hunto cu tur e cifranan y tambe a

stipula e sitio caminda e "shrimp farm" mester bin.

Na e momento ey segun Eric d'Arnault, nan no tabata na altura di e proyecto di un cancha di golf y un puerto di yate. Ta trata aki di e salina banda di Malmok.

Ariba peticion di Gobierno, grupo d'Arnault a dicidi di move e proyecto patras di lighthouse banda di California y Druif.

A resulta cu e sitio aki ta un zona di reserva natural y ta muestra un problema pa establecimiento di e "shrimp farm". Eric d'Arnault a enfatisa cu el a acerca Gobierno muestra ariba e hecho cu mester laga e proyecto sigui cuete loka cuete pasobra e ta uno factible.

Sigui lesa pag. 12



Prome cultivo *Cont. di pag. 3*

cu lo duna empleo directo na 15 persona.

Notable ta cu e movecion di e proyecto for di saliña pa mas panort ta genera un gasto extra di 1 Miyon Florin, teniendo na cuenta cu e inversion lo ta mas o menos 3 Miyon Florin. E proyecto aki segun d'Arnault ta un showcase pa e regio.

Dia 6 di September 1988 d'Arnault a ricibi un carta di Gobierno cu ta mustra masha positivo cu e proyecto y a pidi pa mira e pinturanan, e infraestructura, landscaping y compilacion di tur equipo y edificio cu lo bay ariba e tereno.

Eric d'Arnault ta di impresion cu Gobierno a pidi nan e pinturanan etc, pasobra nan tin problema pa establece esaki den e zona di reserva natural. Eric d'Arnault a duna di conoce na DIARIO cu nan lo cumpli cu e peticion di Gobierno pa asina demostra cu nan ta un compania serio. Pa tal motibo a manda busca e experto Jimmy Yang, kende ta representa e compania Oceanographer Inc. di Taiwan pa asina traha ariba e peticion di Gobierno.

E compania "The Gerec Fish and Shrimp Farm" cu dia 10 di November 1987 a worde fundatin como genrencia Drs. G.Versseput, managing director di H.V.A. International y Eric d'Arnault, director di Topcar N.V. E accionistanan den e compania aki ta algun compania local, H.V.A. International (Holland), Oceanographer Inc. (Taiwan) y Agricultural Investment Company (Holland).

Mientrastanto dia 5 di Februari 1988, grupo d'Arnault a haya e "Ministeriele goedkeuring".

Segun Eric d'Arnault "The

Gerec Fish and Shrimp Farm" ta cubri mas o menos 20 Hectaria y lo produci 100 Ton di cabaron y pisca pa aña cu ta destina pa e mercado local.

Ventaha di e proyecto aki ta cu e restaurantnan, hotelnan y

pueblo di Aruba lo haya pisca y cabaron fresco.

Pa loke ta trata financiamiento di e proyecto, d'Arnault a enfatisa cu tur cos ta cla y nan por cuminsa asina nan haya luz berde.